

欽定剿平粵匪方略

欽定剿平粵匪方略卷二百三十 庚申年

二月初二日 丁酉 官文胡林翼曾國藩奏言九年

十一月間逆首陳玉城以其悍眾勾串捻逆龔
瞎子張落刑等自江浦廬州定遠分道上犯號
稱十餘萬人臣等以抽撥太湖圍師迎擊援賊
爲先著十二月十六日賊分三路並進遂移鮑
超之霆營於潛山小池驛以當前敵移蔣凝學

湘軍駐龍家涼亭多隆阿自以馬步各軍駐新
倉而援賊已漫山遍野循潛山城西太湖城東
傍山爲營均偏小池驛橫袤三十里作壘百餘
座十八日太湖城賊見我圍軍抽調前敵遂突
圍以應援賊適蔣凝學湘軍尙留四營未移遂
設伏於東門誘擊勝之賊仍入城臣曾國藩以
太湖兵單圍解大局可虞而迎擊援賊之師尤

恐腹背受敵二十日抽派宿松十營六千人交
總兵朱品隆主事李榕馳赴太湖與唐訓方合
軍駐於城之西北南三面而圍師之力乃厚次
日小池驛援賊以大股圍撲霆營日夜不息總
兵鮑超獨力禦之翼明多隆阿鮑超蔣凝學各
軍約分三路迎擊踏平賊壘十三座斃賊約六
七千名官軍焚燒賊壘而不忍延燒民房伏賊

豫藏民房中我軍深入爲所包抄自巳至酉血
戰縱橫再接再厲賊始敗退整隊回營而我軍
馬步陣亡亦六七百員名賊勢專趨小池驛二
十四至二十八九等日更番疊進圍逼寔營參
將蘇文彪等當賊壘之衝賊匪槍礮環攻子落
如雨鍋帳均破士卒傷夷志氣彌厲以孤軍力
抗十倍之賊自誓不退一步不棄一壘臣曾國

藩加撥長勝平江等營三千人並順字營馬隊
馳赴太湖而抽唐訓方一軍赴援小池驛又調
曾貞幹等分赴新倉及太湖等處調喻吉三等
營赴潛山之羅溪河以顧我軍後路多隆阿督
隊爲霆營護軍三十日派前營參將楊朝林駐
霆左營之壘移霆左營於霆中營暫行養傷以
前營換入霆左營遏賊之衝士卒續有傷亡勇

氣百倍正月初六日唐訓方移營於蔣凝學鮑
超兩軍之中以資聯絡多隆阿亦派右營參將
王可陞駐霆左營之旁而令霆左營仍駐原壘
馬步各軍忿與賊戰右營之壘卽日而成訓營
之壘未成而賊已進逼我軍遂合紮新倉多隆
阿於十二日復派前中兩營移紮小池驛次日
派勝勇營駐小池驛之南臣曾國藩飭抽調太

湖七營派總兵朱品隆馳赴新倉以資援剿初
賊之西犯也聲言北竄壽州六安鄰境之霍山
等處士民震恐臣官文等已派步兵五營馬隊
四百人馳入霍山樂兒嶺大隊且持重不發俟
賊情畢露而後起而乘之潛山之天堂鎮爲太
潛英霍舒桐六縣之關鍵萬山叢薄雄據皖疆
此乘閒出奇之要道也賊匪力爭此險我軍均

已擊退密飭知府金國琛領撫湘十四營會同
前駐天堂之九營開道疾趨攀山而行時則積
雪載塗士卒遄征不憚行役之苦閱十日乃出
潛山之高橫嶺仰天庵從萬山深處俯視平原
均在目中已可拊其背而扼其吭遂密與多隆
阿等訂內外夾攻之約初十日金國琛率各營
駐仰天庵一帶居高臨下小池驛龍家涼亭諸

軍亦在望中十一日賊分四大股來撲攀援而上聲震山谷金國琛飭各軍靜鎮以待賊乘大霧未收潛至山腰我軍驟起撲之或迎擊其首或橫截其腰賊遂大敗死者不計其數參將余際昌等九營已在高橫嶺出隊擊賊金國琛因令各營合攻近營之賊壘盡破之計斃賊三千餘名生擒四百餘名此次逆首陳玉城嘯聚廬

集賢堂
三
州而定遠舒城桐城廬江三河浦口六合各路
之賊應之急援太湖欲以梗阻楚軍仰賴

天威勦辦得手仍飭各軍慎密戒備相機進取所有出
力將士仰懇

天恩准其擇尤彙案保奏以勵戎行奏入

上諭內閣曰此次粵匪陳玉城勾串捻逆由江浦廬州
等處上犯太湖經鮑超多隆阿蔣凝學各軍分路迎

擊踏平賊壘大獲勝仗所有出力各營將士著准其
彙案擇尤保奏

初五日庚子楊載福奏言查楊逆攻陷池州府城

章志俊軍退紮泥灣臣正在札調該義勇收集

潰卒來張溪鎮駐紮以便就近安撫建德之賊
忽分股竄擾該鎮而逆首楊輔青等復大股竄
偏香口章軍新潰之餘猶能日與賊戰屢敗賊

於八都阪等處韋軍與賊相持且距水營道路
多梗未便前來旋接張芾咨稱韋志俊遣譚加
耀進嶺乞援當派副將余永春等酌給餉米軍
械等語臣查池州爲賊所踞內港水涸礮船不
便施展韋軍除裁汰外僅留二千有奇以之規
復池城誠恐兵力太單而上游建德克復卽應
會合水陸設法規復池州臣咨商張芾添派大

聞

隊督同章志俊力圖進取並派礮船扼堵江口
俟春水漲生卽隨時駛入內港協力攻勦奏入
報

初六日辛丑和春奏言查官兵攻奪九狀洲後張

國樑親駐江北河隄督飭鎮將擇要安營沿江
設險俾水陸聯爲一氣惟占地愈寬需兵較多

節節爲營不敷調撥已由揚防各營挑派勁旅
三千四百餘名飭參將艾得勝等管帶調赴江
浦行營一面嚴飭水師設法攻奪賊艇俾免逆
蹤偷渡以斷內外聲援正月十二日水師副將
賴鎮海等管駕三板師船夤夜駛往南岸沙洲
輪流轟擊賊見官軍大至出巢迎拒並於下關
擁出大號逆船十餘隻礮火噴薄烈燄飛騰我

師亦連檣而進賴鎮海指揮將弁爭先撲勦逆
衆梟水而逸斬獲甚多據水師總兵吳全美稟
稱賊目古隆賢等由青陽銅陵一帶下竄並糾
合逆黨數千人麕聚蕪湖窺伺魯港水營甚急
當派守備賴進勝等分三路攻擊蕪繁逆股又
蠭擁而來約六七千人其勢甚張我軍三面迎
勦先將亮陡門之賊擊退餘皆辟易鄭吉星等

乘勢包抄殺賊不可勝計直抵劉村地方復有
馬步賊黨萬餘人分三路直撲魯港三卡吳全
美飭所部施放槍礮參將李起高駕礮划駛近
雙港口門合擊守備陳賢才等環放排槍會攻
計殲賊三百餘名惟據探報僞英王陳玉城糾
合李侍賈等悍賊傾巢下竄揚言由浦口六合
直撲九洑洲各營並分股南趨溧水秣陵關衝

山沖朱品隆七營由沖西進蔣凝學八營由沖
口進而以吉林六起黑龍江九起馬隊繞外以
截城賊中路則多隆阿之精選四營飛虎右營
開化勝勇建威及親兵等營進攻而以吉林黑
龍江八起馬隊由後策應多隆阿審察地勢自
東堰口而西周圍袤廣二十餘里賊壘密如蟻
房逆首陳玉城踞羅山沖內悍賊甚多正在列

隊進攻山賊一齊擁出壓軍而陣勢甚兇猛我軍偪攻沖外之壘賊匪槍礮齊施我軍無一退卻多隆阿督中路西路各軍併力攻山奮呼直上蔣凝學連破沖口賊卡攻入山內朱品隆越山而進多隆阿馬步各隊由賊壘槍礮之中衝突而前山賊紛紛敗竄擊斃無算東路小池驛之賊分四路抗拒約數萬人而田壠大股尤多

鮑超親督霆營陳由立等山東路左面衝擊田
壠之賊朱希廣趙克彰繼之唐訓方在東路之
右見左面賊衆且悍而霆營獨當其衝又由右
面撥四營助之鏖戰二三十合賊遂回奔唐訓
方率營由右面斜刺而來我軍合東西中三路
追殺縱火焚燒將大小賊壘一百數十座頃刻
平毀賊棚數百亦無一存者斃賊約七八千名

生擒三百餘名正法奪獲槍礮軍械無數山內
之軍經知府金國琛等於仰天庵戰勝後偵知
銀硃搭一帶之賊盡移白沙畷小池驛等處我
軍因於十八日進徧紅長山一帶賊壘二十日
偵知廣福寨下之賊移入羅山沖其地爲小池
驛後畷我軍又進徧太湖交界之玉房尖天頭
山甌皮尖等處並派兵扼紮潛山之水吼嶺天

堂以重後路蕭慶衍等循旣皮尖而上朱品隆
等由紅長山前進金國琛等由廣福寨山直下
參將余際昌等由高橫嶺進至銀硃裕等處沿
山兜擊其時山外馬步各軍正在得手賊沿山
內竄而不虞我軍又由山內突山也奮力夾攻
賊遂前後受敵奪路亂竄我軍縱橫截擊斬擒
約三千餘名是夜金國琛等分率各營乘勝追

勦至潛山河邊斃賊不少余際昌追賊至柏樹
灣一帶擒斬不下數百名太湖城圍之師均臣
曾國藩所部以總兵朱品隆主事李榕統帶管
理臣官文等加派恆左等營曾貞幹等以助之
正月二十二日城賊出隊東南隅山岡約二時
之久欲渡河以窺我營大股遂由河邊包抄而
來曾貞幹派恆左恆右等營前往策應悍賊千

餘死力抗拒曾貞幹督勇直前擊斃悍賊數十
名張岳齡督勇繼至李榕督西門各營併力痛
勦復斃悍賊多名賊敗入城自是不敢復出日
盼援賊接應二十六日援賊大敗李榕知城賊
膽寒豫伏各營分路截勦曾貞幹以一營迅繞
其前一營追勦於後多隆阿亦先於桃花鋪一
帶派各營設伏是夜賊遁伏兵四起擊之太湖

縣知縣蔡鶚亦率團練截殺擒斬尤多其未能
逸出者盡數殲之遂將太湖城池克復是役也
逆首陳玉城勾結各路悍賊大股十數萬而來
非鮑超以三千餘人獨禦前敵傷亡千餘猶復
血戰兼旬不卻一步不失一壘則援應各師必
有緩不濟急之勢非潛山縣知縣葉兆蘭據天
堂籌兵食以導楚軍則金國琛等軍無由開道

出奇以拊其背而扼其吭非宿松各軍如朱品
隆等進圍太湖分扼羅溪河助勦小池驛則太
湖圍師無由抽撥卽無以迎擊援賊非多隆阿
去歲先克石牌制賊要害審機審勢料賊如神
其馬隊之驍果步兵之精強復苦戰彌月勤勞
獨著則新倉小池驛糧道難通必無以破援賊
而全大局今幸仰仗

天威各軍同心勦力合計各路殺賊約二萬餘踏平賊壘百餘座焚燬賊棚賊館數百處太湖城池同日克復此軍興數年以來僅見之大戰也其出力之副都統多隆阿等及陣亡之遊擊徐勝祿等相應先行分別奏請獎卹奏入

上諭內閣曰逆首陳玉城率黨力援太湖副都統多隆阿總兵鮑超等親督各軍分路鏖戰殺賊約二萬餘

名平賊壘百數十座焚賊棚館數百處克復太湖縣
城實足以寒賊膽而快人心官文胡林翼曾國藩督
軍進剿調度有方均著先行交部從優議敘副都統
多隆阿著賞戴頭品頂戴總兵鮑超著賞加提督銜
佐領金順著以協領儘先補用並賞加副都統銜協
領溫德勒克西著賞加副都統銜知府邢高魁著免
補知府記名遇有湖北道員缺出請旨簡放主事閻

敬銘著以本部員外郎卽補編修衛榮光著賞加五品銜遇有侍講缺出開列請簡主事李榕著免補主事以員外郎遇缺卽補並賞戴花翎總兵朱品隆著交部從優議敘副將成大吉著以總兵記名簡放參將梁萬營都司雷正綰著以副將儘先補用並賞加總兵銜遊擊穆正春著賞給勤勇巴圖魯名號副將王載駟著賞給揚勇巴圖魯名號參將楊朝林著以

副將儘先推補都司余福象著以遊擊儘先推補並
賞給績勇巴圖魯名號都司唐啟虞李德彥均著免
補都司以遊擊儘先補用並賞加參將銜副將宋國
永著俟補副將後記名以總兵簡用參將蘇文彪著
以副將儘先補用並賞給確勇巴圖魯名號副將唐
義訓著賞給堅勇巴圖魯名號參將鄭陽和著以副
將儘先補用並賞加總兵銜段福著以副將儘先補

用並賞給勛勇巴圖魯名號知府金國琛著免選知府以道員用參將余際昌著免補參將以副將儘先推補訓導丁華先著免選訓導以知縣儘先選用並賞加同知銜革職知縣蔡鏐著開復原官免繳捐復銀兩此外出力員弁兵勇著准其擇尤保奏候朕施恩其力戰陣亡之遊擊徐勝祿都司陳士富易長春均著照參將例議卹守備朱榮發李年治阮鎮定千

總王發貴均著照都司例議卹文童曾益明蔣益彰
均著照從九品例議卹千總鄒國勝丁光玉周得祥
張建功彭美材江庭梧劉明月李鳳林均著照守備
例議卹把總張倫震張得勝楊名倫均著照千總例
議卹外委楊得信李洪興陳東六姜益勝曾志祥均
著照把總例議卹把總朱年升吳雙貴均著照千總
例議卹把總劉上元蔡立階外委黃海清黃光亨鄒

宇鴻張殿甲王叶夢馬得勝胡得勝吳永清何長有
均著照把總例議卹文童譚魁廷柏玉成均著照從
九品例議卹千總成宇周著照守備例議卹把總胡
光祥著照千總例議卹千總劉鑑秋著照都司例議
卹把總徐玉麟著照千總例議卹外委趙長福孫益
和均著照把總例議卹

十七日

壬子

官文胡林翼曾國藩奏言查接壤太

湖之潛山四面環河阻水該逆自八年冬復踞
以來修城濬濠旁出肆擾正月二十六日我兵
大捷之後小池太湖餘賊竄入潛城者萬數千
人與城賊合力抗拒多隆阿會商諸軍以鮑超
唐訓方等營搜勦各山匿賊而自率馬步同蔣
凝學趙克彰等並約會知縣葉兆蘭督練乘賊
大創輕騎裹糧偪城而壘師抵潛山距城數里

立營該逆悉衆直前衝突多隆阿以所部步隊
並建威營攻其左蔣凝學以湘勇及新前後兩
營攻其右多隆阿親帶馬隊直擊其前馬步並
進斃賊甚多該逆猶拚死抗拒我軍勇氣百倍
賊勢不支葉兆蘭督練襲擊其尾賊遂大潰多
隆阿先以馬隊截其歸路該逆不敢入城巢穴
旣失賊愈狂奔馬隊追至桐城縣屬之青草壩

沿途殺斃不計其數各營步隊搜殺餘匪卽於
正月二十八日克復潛山城池其戰功尤著之
參將楊富有等及陣亡之都司王定和等先行
分別奏懇獎卹奏入

上諭內閣曰官軍攻克太湖後餘匪竄入潛山併力抗
拒副都統多隆阿等督兵前進奮力迎擊賊遂大潰
潛山縣城卽於正月二十八日克復所有在事尤爲

出力之參將楊富有著以副將儘先補用並賞給冠
勇巴圖魯名號周忠容著以副將儘先補用並賞給
勤勇巴圖魯名號參將王可陞著賞給副將銜並賞
給奮勇巴圖魯名號遊擊趙旣發著以參將儘先補
用並賞加副將銜陣亡都司王定和守備蔣貴祿均
著照遊擊例議卹把總曹自文王澄清均著照千總
例議卹外委樊祿斌藍良貴周義和彭行吉劉光英

李桂元均著照把總例議卹其餘出力員弁兵勇及陣亡將士著官文等查明分別奏請獎卹潛山縣知縣葉兆蘭前因城池失陷革職留任其時該員到任未經十日隨集團爲官軍嚮道遂能奪獲天堂要地並確探賊情圖呈地勢俾太湖潛山兩城得以先後克復洵屬著有勞績葉兆蘭著開復原官免繳捐復銀兩並准其開缺以同知直隸州知州留於安徽遇

缺卽補

同日江西巡撫惲光宸奏言建德踞匪經官軍
進剿開獲小勝而賊仍負固臣連檄催戰本年
正月初十日總兵普承堯等由西南兩面分路
進攻已革道員吳坤修飭知縣吳修鼓等先抵
建德城外分撲賊卡道員黎獻等率師踵至鏖
戰良久斃賊多名甘肅安肅道劉于涇派令都

司謝得龍等豫伏馬隊令外委李茂盛等薄城
挑戰賊出千餘人迎敵我軍大隊三面擁進乘
勢破入逆卡殺賊百餘名二十三日普承堯等
爲乘夜襲城之舉是夜二更各軍齊抵城下併
力仰攻槍礮兼施雲梯徧布該逆驚惶無措由
東北門拌死衝出我軍同時截擊斬馘甚多隨
將建德縣城收復劉于瀄等追剿餘匪沿途均

有斬獲馬田之匪奪路奔逃分竄青陽池州一帶臣仍飭普承堯等軍分別留撤其建德城內應否卽派義勇章志俊等協同防守俟與張芾酌商辦理所有出力員弁可否容臣擇尤酌保數員出自

天恩千總周維祺從九品許繼武把總楊興漢外委李茂盛周春林力戰捐軀應請

旨飭部從優議卹奏入

上諭內閣曰安徽建德縣城逆匪竄踞日久經官兵四面圍攻收復城池所有在事出力弁員著該撫會同張芾擇尤保奏千總周維祺從九品許繼武把總楊興漢外委李茂盛周春林力戰捐軀殊堪憫惻均著交部從優議卹

同日曹澍鍾奏言逆匪盤踞柳州以待潯州等

處援賊布政使劉長佑密飭弁勇於北城開挖地道分遣卽選道劉坤一等擊敗象州柳州援賊並跨河搭橋襲破該匪屯糧之鯉魚巖斷其接濟正月初九日子刻由地道裝藥舉火轟塌城身三丈餘劉長佑與總兵李明惠等督軍擁入該逆豫於城內築壘列柵悉力死拒我軍縱火焚擊撿斬賊首僞元帥馮添喜等數百名餘

匪奔潰出城登艇順流下駛官軍循兩岸施放
槍礮夾擊追至洛店又及於三江門統計斃賊
一千五六百名生擒五百餘名燒沈賊艇百餘
隻卽於初九日克復柳州府城其賊之敗赴長
沙塘汛一帶者又經楊毓麟督練截殺柳城融
縣賊匪聞風潰退巡檢何步青等帶練進剿於
十一日收復柳城縣城現在石達開尙在慶遠

府並於馬平羅城各處分屯股匪臣已飛飭劉
長佑整頓部伍進紮東泉自柳城太平節節追
勦並飭慶遠文武督率練勇合力攻擊一面飛
咨貴州湖南各撫臣催令蕭啟江田興恕各軍
由都勻一帶迅趨荔波獨山至慶遠關頭迎截
若石逆已踰黔界亦令劉長佑跟蹤夾攻仍請

飭下黔楚撫臣查明蕭啟江田興恕兩軍現在行抵何

處飛催確探石逆蹤跡迎頭前進此次攻拔柳
州在事出力文武相應先行擇尤開單仰懇
天恩俯賜獎敘其陣亡將弁一併籲請

飭部照例分別賜卹

曹樹鍾又奏言查降補道蔣益澧所部湘勇交
劉長佑接管除裁汰外尙存三千數百名派兼
署右江道蔣澤春統帶駐紮陽朔控扼荔浦永

安各路現在劉長佑克復柳州督率所部馳赴
慶遠專勦石逆不遑他顧臣查蔣益澧自獲咎
後深知悔勵誓圖滅賊其被衆侵吞兵餉各款
據該員開報覈算毫無侵蝕亦無遇賊退避情
事該員旣知愧奮圖報仍應令其帶兵自效臣
已飭令馳赴陽湖接管湘勇審察荔浦永安賊
情分別勦撫一面派員馳往湖南募勇三千名

合成五千人統帶進勦平樂餘氛並與廣東提
臣崑壽留駐梧州之師會合攻擊奏入

上命軍機大臣傳諭旨 顏曹樹鍾曰蕭啟江一軍前
經官文等奏稱皖鄂軍務已鬆飭令由常德取道入
江徑赴川省此時萬難再令折赴貴州其田興恕一
軍並據駱秉章奏稱如賊蹤未過都勻則令由靖州
赴黎平古州截勦此時行抵何處尙未奏聞石逆現

踞慶遠並於馬平等處分屯股匪著曹澍鍾卽飭劉
長佑移得勝之師會合慶遠兵練進剿並知照駱秉
章迅飭田興恕探明賊蹤迎頭截擊勿令闖入黔省
窺伺蜀中方爲妥善降補道員蔣益澧旣據曹澍鍾
查明尙知愧奮派令前往陽朔接管湘勇並審察荔
浦等處賊情分別撫剿卽著曹澍鍾嚴飭該員實心
經理毋得再涉玩泄蕭啟江到川後儻石逆有入川

之信卽著曾望顏飭令出境赴黔與劉長佑等迎頭
會剿毋令闕入完善

上諭內閣曰廣西潯州逆匪分股竄踞柳州經布政使
劉長佑等督兵進攻將柳州府城克復其柳城縣城
亦經巡檢何步青會督壯練收復所有在事尤爲出
力之卽選道劉坤一著賞加按察使銜直隸州知州
唐顯烈著免選本班以知府卽選總兵李明惠著賞

給該員父母封典副將翟國彥著以總兵升用遊擊
黃仲慶劉盛調均著以參將補用守備江上喜著以
都司儘先補用副將蕭榮芳著賞給該員父母封典
都司銜孔憲隆千總廖國安何元鳳均著以守備補
用外委劉揚著以千總拔補訓導銜生員鄧文蔚著
以教諭儘先選用陣亡都司徐士信把總李華燦著
分別照例議卹

欽定勦平粵匪方略卷二百三十一

庚申年

二月十九日

甲寅

張芾奏言查建德爲江皖要衝

被賊占踞雖經道員吳坤修等分路圍攻總兵
普承堯等會師進勦攻復城池若不派隊留防
未可恃以無恐應請

飭下江西撫臣惲光宸轉飭劉于溍吳坤修遴選數軍
督同駐守此次出力各員著有微勞合無仰懇

天恩分別給予獎勵其投誠義勇章志俊等帶赴東流
此後應歸楊載福調度所有出力各義勇卽由
楊載福酌請獎敘張慶安以文員躬親督陣布
置有方余永椿程永年等督同義勇力摧賊燄
使逆衆不敢內犯可否酌量彙保恭候

聖裁

張芾又奏言查賊擾涇縣竄踞黃柏嶺灣灘等

周天受派副將李嘉萬統兵二千來援業已無
及涇城遂陷李嘉萬黃金友均退往清弋江王
恩榮余大鵬均無下落楊名聲退至旌德之三
溪僅有勇丁八百餘人賊至不能抵禦復陷旌
德該處西接太平南界績溪距徽州一百三十
里徽郡存兵僅五百餘人不敷堵禦臣飛調總
兵江長貴督隊由黟縣太平赴旌德計日內可

抵太平如能於嶺外將賊擊退猶可轉危爲安
惟路徑紛歧一經闢入則根本動搖浙西門戶
亦甚可慮臣督防無狀應請

旨將臣

先行交部嚴加議處其僨事各員容查明分別

叅辦

同日周天受奏言查涇縣不守弋江未扼甯國
西南兩路空虛西河防所四面受敵南陵防軍

被隔軍情又一大變臣卽調副將榮陞率三千人馳赴寒亭立營扼勦以顧郡西其所遺紅楊樹之防卽飭副將劉仁福自盤龍甸前往接辦復調已革副將熊廷芳等八百人填紮盤龍甸並令參將林保等暫移橫岡橋之師駐紮竹塘臣親率一千人回顧甯國郡城收集涇縣潰軍共得一千餘人現在南城外亦有布置軍民皆

定二十九日賊至楊柳埠離城南僅四十里夜
閒又有騎馬賊進至綠錦埠哨探查楊柳埠有
路可通甯國縣地方亦係入浙門戶昨已飛調
遊擊楊得春等一千人移紮甯邑以資堵禦又
調遊擊冉正祥所部九百餘人馳赴甯邑設法
進紮弋江以通南陵聲援一面激勵將士力攻
楊柳埠至吳正熙一軍遠隔於萬級嶺臣已知

會張芾由徽酌奪辦理均奏入

上命軍機大臣傳諭張芾周天受曰逆匪由銅陵繁昌
攻涇縣進踞清弋江蔓延至楊柳埠去甯國府城
極近周天受現已由竹塘統兵回郡著卽督飭將士
實力堵剿毋任再有滋蔓甯國縣爲入浙門戶地關
緊要南陵遠隔嶺外亦應速籌援應並著周天受嚴
飭派往甯邑之遊擊楊得春等飛速前進力籌堵禦

毋許稍有疏失南陵防軍應如何設法往援卽會商
張芾妥爲辦理至涇縣匪衆復分股攻陷旌德該縣
距徽州府城僅百餘里據張芾奏稱已調江長貴由
黟縣太平赴旌德截剿深恐路徑紛歧難於兼顧致
被闖入並著周天受速派得力將弁管帶精銳由甯
邑繞赴績溪迎頭截擊毋任賊蹤得以擾及郡城建
德甫經克復自應派兵駐守江西各軍內如道員劉

于淳吳坤修等何員可以派令帶兵駐紮卽著張芾
一面派撥一面知照惲光宸辦理以期迅速義勇章
志俊旣已調赴東流所有出力各勇著卽會同楊載
福酌量保奏其知府張慶安等旣能相機應變尙屬
著有微勞卽著張芾酌保

上諭內閣曰安徽建德賊衆經道員吳坤修等分路進
攻總兵普承堯等率隊會剿各軍緣城而上當將縣

城克復所有出力之已革廣東南韶連道吳坤修著
開復原官免繳捐復銀兩並賞還花翎候選道黎獻
著遇缺卽選知府丁峻著賞換花翎候選知縣吳修
鼓著免選本班以同知遇缺卽選

上又諭內閣曰逆匪竄踞涇縣之黃柏嶺灣灘等處經
官軍疊次擊退獲勝詎賊愈聚愈衆涇縣旌德遂相
繼失陷著張芾督飭兵勇迅圖克復並嚴防徽郡一

帶飛調江長貴帶隊援剿務期殲除醜類所有失事
文武兵勇著查明分別叅辦張芾著交部議處

二十四日己未和春奏言查金陵省城西北儀鳳

水西旱西各門外濱大江中互洲渚自賊踞省
城分遣死黨盤踞上中下三關緊接壽德七里
各洲壘石成城沿隄築壘與北岸九洲遙相
呼應屏蔽老巢先是張國樑紮營江浦經營壽

德洲一帶該處逆目秦禮國屢遣心腹叩營乞
降本年正月官兵克復九洲水陸聲勢聯絡
逆黨愈形洵懼臣卽因勢利導密飭總兵熊天
喜設法招徠七里洲賊目謝茂廷等亦情願輸
誠反正獻出逆壘三座糾約下關各黨反戈內
應以爲先導訂期二月初三日舉火爲號臣卽
知會張國樑密諭秦禮國同時效順檄調總兵

劉季三在三汊河會督官兵剋期大舉總兵熊
天喜率所部攻下關之賊投誠謝茂廷等應之
總兵劉季三率所部攻上關之賊投誠秦禮國
等應之都司鄭榮勳等帶礮船步隊往來接應
一面派提督王浚等各帶兵勇進攻雨花臺一
帶逆巢以牽制之初三日瞭見下關火起熊天
喜等分爲左右兩隊帶同謝茂廷降衆直撲寶

塔橋逆壘該逆見官軍大至施放槍礮并死迎拒接仗逾時內應從中喊殺我軍乘勢越過重濠四面殺入當將七里洲寶塔橋逆壘全行攻毀礮殲逆匪三四百名我軍乘勢疾趨儀鳳門外下關賊營該逆抗拒甚力田宗揚等揮軍前後環攻賊始大潰水師總兵陳國泰等亦率礮船乘風會剿復將南岸下關逆壘踏平惟城根

尙有賊營一座礮石稠密未便仰攻劉季三派副將王夢熊等分張兩翼進擣上關該逆憑險力拒不料秦禮國忽從壽德洲開礮轟擊賊始錯愕不敢迎拒官兵繼擁畢登斬馘無算劉季三督兵往來埽蕩直抵上河街口復經焚燬賊營一座殲匪百餘人當飭王夢熊帶兵填紮上關仍令秦禮國率所部精銳回駐壽德洲原營

隨同扼守王浚等攻犄南路以分賊勢是日共計克復上下兩關投誠賊營六座攻奪逆巢壘卡十餘座撫定脅從五千餘人現已分別安插遣散投誠賊目秦禮國謝茂廷袁復清黃長發等去逆效順其志可嘉應俟查明酌量奏請

恩施仍由臣等嚴行約束隨時察看斷不敢稍涉大意又上河逆巢中有礮臺正當要衝經王浚劉季

三督軍環攻該逆未敢出巢迎拒遂於是夜焚
燬退至江東門結壘自固臣查自九洑洲扼斷
以後連克兩關槍礮船隻盡爲我有逆勢已衰
惟皖北援逆大股麕聚浦口小店一帶並據探
報金柱關等處屯賊甚多揚言先撲高淳東壩
以解金陵之圍該處逼近秣陵關堵剿尤關緊
要臣與張國樑等相商此時惟有修整濠壘多

備軍火厲兵秣馬剿其外援一面修築東西長圍抽撥精銳作爲遊兵以備策應奏入

上諭內閣曰金陵逆黨自官軍克復九洲後愈形洶懼此次復經和春等勦撫兼施連克賊壘著卽乘此聲威迅克堅城毋再遲延投誠勇目秦禮國謝茂廷袁復清黃長發等去逆效順殊堪嘉尙著查明酌量奏請施恩

和春又奏言九年十二月閒大股逆匪由馬步
橋雙港一帶三面下竄並由蕪卡擁出礮船四
十餘隻聯檣結隊直撲魯防當經參將李起高
等分投迎勦沈毀逆船五隻斃賊百餘人其雙
港馬步橋之賊經吳全美率隊擊斃逆目二名
餘皆披靡共計斃賊三四百名賊復由南北兩
岸分撲我營都司馬喜督勇力遏要衝轟斃逆

匪無算正月初十日李秀城帶匪約三四千糾合金柱關裕溪口東西梁山各路礮船長驅下犯把總李慎公等管帶彪勇會合鄉團竭力固守吳全美親督艇師整隊嚴備十一日賊船全幫下駛遊擊鄭吉星等排列師船三面迎勦擊沈大小逆船五隻淹斃逆黨甚多次日賊划數十隻四圍攻撲兩岸復有大股悍賊同時竄犯

馬喜等管駕戰船揚帆盪擊鏖戰逾時賊始敗竄其岸上步賊尙復抵死相持守備梁正源等揮兵直擣中堅民團助戰該逆遁回雙港匿不出巢大股逆衆屯踞馬步橋三壩一帶十八日李起高等挑選精銳攜帶攻具直趨南岸逆巢賊驚覺抗拒我軍蟻附而上四面殺入當將賊壘一座踏平北岸高岡鋪一帶來援之賊亦經

官軍設伏擊退鄭吉星等分攻馬步橋雙港之
賊李起高等奪毀桂花橋賊卡一道逆眾錯愕
首尾不能相顧官軍乘勢包抄大獲全勝當將
馬步橋雙港卡壘一律攻毀臣仍飭督率水師
嚴行堵剿陣亡之外委施大發五品軍功李光
外委周遜仁應請

飭部照例議卹奏八

上從之

同日周天受奏言二月初一日臣親督將士迎勦楊柳埠一路股匪軍行十餘里知該逆復於高橋埠楊柳埠分股旁竄東路先調遊擊楊得春等一千人又調遊擊冉正祥所部九百餘人以顧甯國縣防其東竄卽以南路之師壓後遙爲夾擊之勢乃該逆又由周陽村分股旁竄離

郡東六十里之水東鎮臣遂回南路之軍以備
東門之戰復恐賊由水東分路窺伺廣德楊得
春冉正祥兩隊兵單難以禦敵因於郡北各防
抽集勁旅二千人派參將林保等帶赴廣德攔
勦令副將黃金友帶三百人繼進參將周天孚
率隊趕到距州城一百里之十字埠知賊已由
小路超過南頭嶺花鼓塘在我軍之前周天孚

等亦卽由楊岡繞道前進另股賊衆於初二日
距甯國縣城三十里郡城六十里之港口飄忽
而至臣飛咨張芾就近調副將吳正熙一千八
百人馳赴千秋關以堵甯邑殷匪竄浙之路惟
此時賊蹤剽悍防不勝防現據提臣鄭魁士派
到援師五百人又調參將王興棠遊擊楊家正
隊伍共一千人同赴廣德因賊勢趨重東路慮

其鉞險進犯浙東阻我餉道不得不多撥甯防
精銳以顧浙省所餘在郡之師不滿二千幸浙
江撫臣羅遵殿派總兵李定太兼顧浙之東西
兩路內防已有準備臣再由外防力籌夾擊以
期轉危爲安奏入

上諭曰續派之林保黃金友等相機前進總不可著著
落後浙防兵勇未可深恃著趕緊截擊勿令擾及完

善之區

二十六日辛酉杭州將軍瑞昌浙江巡撫羅遵殿

杭州副都統來存奏言皖南賊匪竄陷涇縣旌
德甯國太平績溪等縣西南一帶勢甚蔓延臣
瑞昌等自接信後卽於周城原設防兵外復添
派官兵五百餘員名上城嚴密守禦正在籌辦
間據探稱廣德州又已失事浙省杭屬之昌化

餘杭於潛湖屬之孝豐安吉長興等縣均壤地
毗連處處緊要省垣爲根本重地自應先其所
急併力守禦而近省各要隘更宜先事豫防以
遏其豕突之勢臣等擬派滿洲營官兵前往助
防無如省城方圓三十六里有零滿洲蒙古大
小甲兵僅有二千一百餘名不敷調派現於無
可抽撥之中選派協領賽沙圖管帶佐領等七

員兵二百餘名會同臬司段光清與協防局練
勇五百名截留江南新募勇一千名一併馳抵
餘杭孝豐一帶妥爲布置仍應仰懇

天恩准令臣等援案酌調乍浦滿洲營官兵四百餘名
來省聽候調遣並請

旨飭下和春張國樑何桂清急撥大營勁兵數千兼程
前進保全兩浙門戶以顧大局

羅遵殿又奏言銅陵青陽之賊上年十二月間竄踞南陵之三里甸涇縣之觀嶺灣灘等處本年正月大股進襲涇防之新渡橋上下坊各營盤另股攻陷涇城西河清弋江駐紮官兵同時潰散甯國府西南一片賊氛軍情萬緊總兵李定太現駐省城正在面商統帶兵勇由廣德一路進援甯郡乃疊據張芾周天受來咨知該逆

占踞涇縣後連陷旌德太平甯國並徽州之績
溪等縣而清弋江馬頭之賊又竄至距甯國府
城四十里之楊柳埠逆首李秀城帶領悍賊二
萬餘名由甯國縣閒道徑竄廣德州杭湖嚴三
府戒嚴休婺衢防又復喫緊臣已囑李定太派
遊擊胡應元帶勇千名前赴於昌擇要扼紮李
定太自督兵勇二千名改由餘杭孝豐一路前

進該處距四安廣德尙不甚遠探明何處緊急
相機辦理其千秋關一路先派同知程鍾英招
勇二千餘名在關駐守昌化孝豐二縣空虛無
兵扼守卽飭該縣集團堵剿惟李定太所部止
有二千八百餘名不敷分布因調衢防兵勇千
名就近馳赴威坪以杜逆匪竄越其駐紮白茅
嶺之都司田宗升等所帶勇丁千餘名經周天

受調赴甯邑會勦廣德益形空虛臣已咨周天
受派令副將黃金友遊擊楊家正兩軍回顧廣
德並咨請和春張國樑何桂清籌撥大隊駐廣
援甯保全兩省門戶伏思逆匪騷擾皖南無非
爲牽掣我師救援金陵起見第浙省西面杭湖
嚴衢四府逼近徽甯蘇杭唇齒相依爲金陵大
營後路實東南全局所關除將大營所募江西

新募一千餘名路過浙江先行截留外仍陸續
添募壯勇並酌調精兵豫備調遣臣惟有竭盡
血誠設法集兵籌餉與李定太等共圖保衛仍
會商張芾周天受令李定太進兵助剿以期收
復城池奏入

上命軍機大臣傳諭瑞昌羅遵殿來存曰皖南賊匪疊
次竄陷涇縣旌德甯國太平績溪等縣廣德州探聞

又已失守浙省杭湖兩屬之昌化孝豐等縣壤地毗連亟應力籌扼堵瑞昌等業經派協領賽沙圖帶存城兵二百餘名會同段光清與協防局練勇五百名截留江南新募勇一千名統帶馳抵餘杭孝豐一帶擇要布置並據羅遵殿奏稱已由總兵李定太派令遊擊胡應元帶勇千名前赴於潛昌化駐紮該鎮自督兵勇二千探賊所向迎頭截擊其千秋關等處並

派同知程鍾英等招勇守禦李定太前在浙江總統
軍務甚爲得力著卽專派該鎮調度諸軍併力截剿
毋令該匪闖入浙疆擾及完善之區所稱酌調乍浦
滿洲營兵四百餘員名赴省調遣之處卽照所請行
至請飭和春等撥兵援應一節前據和春奏稱於金
陵南北各營抽撥精銳二千前往高淳聽候鄭魁士
調遣本日寄諭和春張國樑李若珠令其酌撥勁旅

迅速赴援俟此兵一到卽令會合李定太周天受等
前後夾擊迅掃賊氛毋致滋蔓

上又命軍機大臣傳諭和春張國樑李若珠曰據瑞昌
等奏皖南賊匪竄陷涇縣旌德甯國太平績溪等縣
賊德州亦已失守浙省杭湖兩屬之昌化孝豐等縣
壤地毗連賊氛漸逼請飭和春等迅撥勁兵數千兼
程前進以期保全浙江門戶等語著該大臣先將派

赴高瀋之軍飭令迅速赴援保全兩浙門戶其前援
清淮之兵如該處賊勢稍鬆卽令改赴高瀋並由大
營酌調勁旅以資策應毋稍延緩至此次賊勢歸併
徽甯蕪湖巢穴空虛並著該大臣等速飭總兵吳全
美李德麟等迅督艇師緊攻蕪湖以期竄擾廣德等
處之賊聞警回援藉資牽制

同日何桂清徐有壬奏言逆匪自竄陷涇縣後

卽陷太平旌德甯國三縣又陷廣德州查廣德
州爲江浙二省之總徑一經失守江浙全行震
動浙江之四安鎮並無一兵臣何桂清本擬商
調總兵李定太現聞該鎮已赴千秋關防堵距
四安尙遠誠恐緩不濟急臣等當卽會商抽調
撫提兩標兵勇一千名委參將常潤遊擊富安
管帶星夜馳赴四安一帶相機堵剿前因皖南

緊急經和春派遊擊梁成桂帶兵二千名馳赴
高瀋聽候鄭魁士調遣臣何桂清因廣德失守
該逆已繞出高瀋東壩之後卽咨鄭魁士就覓
有兵力先顧荆溪溧陽保全蘇常門戶一面咨
和春添派勁旅來援視賊所向迎頭攔剿現在
皖南逆匪猖獗蘇常杭嘉湖五府爲該逆素所
垂涎情形甚爲危險臣等惟有督飭司道竭力

保守奏入報

同日張芾奏言白涇旌相繼不守逆衆分股直趨太平署知縣楊裕仁號召鄉團攔剿與賊戰於黃花嶺斬馘頗多賊分馬隊由後路包抄楊裕仁急帶團回顧身受重傷甫經突圍而出賊已擁衆疾竄入城臣聞報後卽飛調副將羅承

勦駐箬嶺參將葉聖言駐湯嶺參將張應超駐
譚家橋分顧旌太踞匪旁竄之路該逆一由楊
柳埠襲破甯國縣一由旌德直犯績溪縣之鎮
頭地方時總兵江長貴尙未抵郡徽州防軍又
均在數百里外一時抽調不及臣營祇存副將
余永椿知府蘇式敬所帶六百餘人盡發以堵
輦嶺新嶺等處賊果輕我兵寡悉衆撲嶺蘇式

敬會約余永椿踰嶺轟擊賊由稽公關繞至嶺
後我軍腹背受敵且戰且卻頗有傷亡賊卽乘
勢攻圍縣城遂陷徽州府知府劉兆璜飭令署
績溪縣知縣王峻帶團馳至余永椿蘇式敬復
整軍前進賊正出城抗拒忽聞江長貴統親軍
衆程至郡卽糾衆逃奔余永椿蘇式敬會合兵
團旋將績溪縣城奪回臣遂商同江長貴派令

都司江長泰等協同余永椿趕紮鞏嶺新嶺一
面飭派參將程永年往堵叢山關不料程永年
甫抵臨溪甯國縣之賊已由叢山關回竄績溪
縣城江長泰等聞後路有賊引軍急退已與王
峻所帶團勇被賊圍困江長泰以火槍連斃數
賊躍馬衝出收集諸軍退駐臨溪臣查臨溪距
郡城止四十里無險可扼江長貴雖在東北兩

城連營十餘座而欲以三千衆禦數萬悍賊勢頗岌岌且績溪甯國兩縣旣失則與浙省水陸俱通萬一軼入實於東南全局有關池州僞七國宗楊逆謀知內防喫緊又將乘機蠢動祁門黟縣石埭處處可危涇縣之賊前已逼近甯國府城日來逆氛阻隔致與提督周天受文報不通臣已飛咨浙江撫臣羅遵殿籌軍布置俾固

浙江門戶仍當與江長貫竭盡心力設法扼剿
張芾又奏言祁門黟縣防兵抽調一空池州楊
逆乘虛內伺已至大赤嶺外若此路再有警報
則徽州益不可支而江西之浮梁景德鎮亦屬
可慮現在建德旣復道員劉于涇聞已請假赴
省應請

飭下總兵普承堯率所部及把總李濟元團勇駐守建

德令道員吳坤修一軍移紮祁門庶江皖門戶
可以兼顧

同日周天受奏言逆匪闖入江浙冀解金陵之
圍廣德州城業已救援不及浙江湖州府屬之
四安距廣德僅四十餘里此處毫無防範已飭
參將周天孚等趕到四安力扼正衝又距廣德
城五十里之六洞橋可達蘇常副將黃金友已

合冉正祥之隊一千三百人槍紮臣又在北路
各防抽撥一千八百人派副將榮陞往紮郡東
六十里之紅林橋遏賊回竄並豫爲進剿地步
查四安與六洞橋雖已扼堵兵力究形單薄此
時金陵旣無援軍可撥徽師更自顧不暇建平
隸於廣德東壩接壤建平臣前咨提臣鄭魁士
就近防禦又探聞蕪湖賊多內竄料其巢穴將

空飛咨總兵吳全美李德麟卽以艇師速攻蕪
湖以示牽制臣又嚴飭參將王興棠遊擊楊家
正一千人於初五日速赴四安並加派守備戴
廷魁帶四百人馳赴六洞橋惟有督率將弁儘
此現有兵力面面兜剿至廣德州城救援不及
臣調度無方實有應得之咎應請

飭部議處

周天受又奏言據參將林保周天孚稟稱四安之南有小路可由太湖直達湖州廣德之東有小路可通浙江孝豐武康兩縣四安防軍太單難於兼顧等語臣酌覈情形如果賊蹤仍前飄忽注意浙江惟有親督勁旅入浙勦辦至於甯郡之防則當慎選健將暫行接替均奏入

上命軍機大臣傳諭張芾曰賊匪疊陷太平等縣張芾

在徽辦防有年一旦賊至卽至數縣城池悉行失陷
未知平日所辦何事此時賊勢臨張自應亟籌保守
徽州府城以免匪蹤再有滋蔓江長貴業已抵郡卽
著張芾會商該署總兵督飭將士實力堵剿俾賊衆
不敢輕視郡城仍將已失各縣城池速圖克復以贖
前愆前因涇縣旌德失守曾諭周天受撥兵赴徽援
剿本日據周天受奏稱廣德又復失守現在分軍扼

堵入浙之路自顧不暇未必能兼顧徽郡涇縣爲徽甯兩郡往來要道張芾總應設法攻復以通聲息而資聯絡

上又命軍機大臣傳諭周天受曰現在太平甯國績溪等縣與廣德州城相繼失陷湖州蘇常各郡防務均形喫重四安鎮六洞橋兩要隘雖經參將周天孚副將黃金友等帶兵馳往力扼兩路正衝並由該署提

督添派參將王興棠等督兵續往助防惟該處道路
紛歧兵力尙嫌單薄已諭令和春由江南大營酌撥
精兵馳赴援應並據羅遵殿奏已飭李定太迅移衢
防兵勇馳往湖郡交界地方相機迎截該署提督惟
當先就現有兵力督飭在防將士嚴密布置毋令賊
蹤繞越江浙境內至涇縣爲徽甯兩郡往來要路亦
宜設法疏通庶文報不致梗阻周天受恐賊蹤飄忽

注意浙省擬親督勁旅入浙剿辦現在浙省已有李
定太一軍迎頭截擊兵力足資堵禦甯國郡城爲皖
浙緊要關鍵該署提督亦未可輕離重地惟當駐守
郡城相機調度庶彼此可期兼顧

又命軍機大臣傳諭惲光宸曰賊匪竄陷涇縣旌德
後太平甯國績溪等邑相繼不守江長貴業已統兵
回駐徽州郡城藉資扼剿而祁門黟縣防兵旣經抽

調一空深恐池州賊衆復圖內竄非獨皖事益不可
支卽江西邊境亦深虞竄突總兵普承堯等自克復
建德以後聲威稍壯著惲光宸卽飭普承堯統率所
部及把總李濟元團勇駐守建德道員吳坤修一軍
移紮祁門確探賊蹤嚴密堵剿毋任匪衆竄擾徽郡
兼顧江西門戶其浮梁樂平等縣凡與皖境毗連處
所應如何撥兵防守並爲普承堯等後路聲援之處

著惲光宸妥爲籌辦毋任疏失

上諭內閣曰安徽逆匪於本月初三日闖入廣德州城
周天受援勦不力著交部議處

二十七日壬戌翁同書奏言查南路楚軍連克太

湖潛山分兵進逼安慶桐城軍威甚壯臣飭南

路諸軍慎守疆場仍伺隙進攻廬舒以牽賊勢
副將盧又熊偵知舒城賊情驚懼留兵防守六

安親赴白洋鋪駐紮相機進攻該逆知我軍出
隊急調廬江三河南路逆匪並約逆首四眼狗
回救初八九等日援賊萬餘麕聚舒城迤西大
松園新河口一帶築壘二十餘座廬又熊令參
將陳忠等率隊渡河至雨淋岡埋伏又令參將
徐邦道挑帶精勇五百名由鍋頂山繞出大松
園新河口之後暗襲賊營令都司郭寅亮等領

隊詐作撤退之狀誘賊來追該副將等督隊於
彌陀寺扼紮以備堵擊該逆見官軍向六安撤
退果蠡擁渡河來追盧又熊等迎頭衝擊郭寅
亮等同軍掩殺該逆恃衆抵拒常海帶領馬隊
馳往接應陳忠等率隊由張母橋渡河截擊賊
衆披靡常海督隊向前衝突該逆不能抵敵維
時徐邦道繞出新河口攻破賊營數座殺賊甚

衆餘賊棄營奔潰守備陳禮單騎衝入賊隊斃
賊數名受傷陣亡千總吳雲等飛往救援會合
各隊追殺該逆敗至河干自相踐踏淹斃不計
其數徐邦道於攻毀賊營後復率隊截賊歸路
逆匪勢窮南遁我軍自辰至申鏖戰五時之久
斃匪甚多所有陣亡守備陳禮應請

旨交部從優議卹奏入

上從之

卷之三

三